



貴州名勝志卷之二

閩中曹學佺能始著

畢節道所屬

畢節衛

洪武十五年傅友德平烏撒諸蠻置烏蒙衛于烏蒙府境內十六年班師至此以其地寬廣四控皆夷路當衝要又因畢節驛名奏改烏蒙衛爲畢節衛○木稀山在衛城東其頂有木稀關其下爲響水河響水者懸崖飛瀑數十仞有聲如雷故名○翠屏山在衛城西蒼翠壁立望之如屏又遠之爲

七星山山下有七星河兩岸相拒初鑄鐵繩繫渡後更以浮船嘉靖間乃造七星橋山上有七星關楊慎七星橋記畧云關號七星孔明禡牙之地衛名畢節關索投鉞之區雖卉服之雜居乃朝宗之首路狂谿狼谷山狀馬鞍者彌千危磴懸崖城比虎牢者倍蕪兩欽夾峙而有水一溪過涉以無舟道士黃一中高誼動萬山之淵勝緣集三省之鎚出翳蒼而壯結構剗礪岳以施輿杠麗天半空去地千尺星梁斗柱稽銀漢以橫陳雪浪雲濤拖玉虹而曲抱用修七星關漁者詩石礪無通水漁舟

返上山得魚隨馬賣抱獼趨鴉還問爾江湖興茫  
茫若夢間七星橋詩架壑盤崖嵌碧空驅山鞭石  
讓玄功星梁天柱撐銀漢雪浪雲濤抱月虹襟帶  
平分滇蜀險品題誰占古今雄登來彷彿臨玄圃  
不信飄零逐轉蓬○志稱本衛尺籍皆中州人冠  
昏喪祭習于禮教不混夷俗祀漢壽亭侯甚謹春  
秋俎豆其祠

烏撒衛

舊名巴兀姑後名巴的甸自昔烏蠻居之唐烏蠻曰烏些二者居此至阿蒙始得巴甸其東西又有

芒部今之鎮雄府及阿晟部皆他酋所據宋烏些  
之後曰析怒者始併其地號烏撒部元至元中內  
附置軍民總管府洪武初改烏撒軍民府十五年  
增置烏撒衛隸雲南永樂十二年隸貴州都司今  
府隸四川衛隸貴州○形勝志云岡阜盤旋海田  
平遠西南要扼之區按謂上值天井之宿故其地  
多雨諺曰烏撒天常披氈三日不雨是神仙楊慎  
烏撒苦雨詩搖扇纔經赤水日披氈忽逢烏撒天  
眼見深雲且未霽足躡弱泥殊不前天時人事莽  
牢落鄉夢客愁空糾纏古來路難寧有此楊岐阮

籍徒潛然烏撒喜晴詩易見黃河清難逢烏撒晴  
陰霾既已豁險道况初平蜀日杳千里滇雲惟十  
程江花與江草異國看雲生○盤江在衛西百五  
十里可渡河在衛南九十五里督學鄭旻云烏撒  
普德歸驛門對可渡河岷河之南霑益境也河之  
北烏撒境也驛抵衛城八十里詢之候吏云河水  
在衛西百里注壑而出從此而東盤江乃此水之  
注也

赤水衛

唐元和元年始于西南夷地置蘭州實漢益州郡

地元屬永寧路洪武二十二年始分永寧置今衛  
西去省六百里吳國倫赤水公署詩突兀蠻山合  
參差雉堞低人家懸碧石公署出丹梯夜靜水聲  
亂日高雲氣迷牀頭白塵尾愁絕自提携○雪山  
在衛城北二十里巉巖高峻亘數十里方冬積雪  
春盡始消楊慎度雪山詩羊腸蛭雪凸烏毳邇風  
凹馬擬升騏驎人如架鹿躡山圍青草瘴地入紫  
薑苗不道九夷遠長吟五嶽謚○白厓驛在衛西  
四十里昔阿落密故地吳國倫阿落密詩二首鼓  
子花開六月寒烏丸稻熟且加餐南人新解巴歛

曲荻管聲聲蜀道難又滇人未盡蜀人過車馬如  
繩奈坎軻若以相逢非故舊三杯同買聽夷歌○  
層臺驛舊爲層臺衛在衛東南一百里楊慎層臺  
曉發詩濯足到流水回頭相見坡知津何暇問叱  
馭且經過吳國倫前題野潦奔鳴石逕斜疎林殘  
日見田家編籬半護叩王竹築塢新開望帝花荒  
徼萬山迷蜀道遠人重譯問京華故鄉斷絕愁如  
夢何處風高急暮笳○赤水河在衛城南舊名赤  
虺唐武后征雲南檄文有赤虺河卽此虺與水聲  
相近耳源出芒部經紅土川東流入川江每雨漲

水色深赤故名楊慎赤虺河行君不見赤虺河源  
出芒部虎豹之林猿獠路層氷深雪不可通千尋  
建木撐寒空明堂大厦採梁棟工師估客穿蒙籠  
此水奔流似飛箭縛筏乘桴下蜀甸黯淡灩澦險  
倍過海洋流沙爭一線誰驅烏鵲役龜鼉秋濤夏  
潦息盤渦柏亭雲屏濟川手奠民枕席休干戈安  
得修爲夷庚道鐫刻靈陶垂不磨吳國倫詩萬里  
赤虺河山深毒霧多遙疑驅象馬直欲搗岷峨筏  
趨飛流下檣穿怒石過勸郎今莫渡不止爲風波

永寧衛

唐置蘭州于夷地在今治東一百八十里宋置永  
寧路元改永寧鎮軍民宣撫司洪武四年改長官  
司尋復宣撫司隸四川其地在馬口漁漕溪距城  
西八十里十五年遷今治爲永寧衛江盈科永寧  
道中詩嵐重天疑晚春深煖未回山形殊齒齒路  
勢總鬼鬼蕨老拳應放瓜葫甲半開故園此時節  
割蜜醖青梅○永寧河在衛城西南一名水東一  
名界首由城南繞東北至納溪入四川洪武十三  
年命景川侯曹震開通河道制諭云水之險惡者  
莫甚于永寧其灘一百九十五處至險有名者八

十二石之大者鑿之水之陡者平之楊慎詩永寧  
 河水接川河今古漁商竟幾過試看江門來往岸  
 石頭篙眼劇蜂窠○天生池在衛城北六十里四  
 面山繞水積于中不假穿鑿楊慎天池夜宿詩百  
 重石磴陟雲岑夜市千燈映碧潯遊女踏歌梅渚  
 月長杉高髻似雕陰

普市所

洪武二十二年以永寧路木案山當滇貴要衝置  
 普市守禦千戶所于山下直隸貴州都司舉人李  
 陞詩三里孤城鼓角嚴繞城青擁萬山尖鳥音晴

翠巧娛耳草色春深亂入簾

龍里衛

唐宋俱為羅甸國地元置龍里州我 明洪武初  
 置龍里驛站西達省城六十里十九年置今衛隸  
 貴州都司○衛城西有長衝關宋經畧使宋勝立  
 營于此○雷雲洞在衛城南一里洞中懸二石乳  
 扣之如鐘鼓左有一石臺龍雲變幻名雕雲臺又  
 有奇石恠壁皆天然之巧而高明洞矚踰九十里  
 有呼應泉百叫百應音節不爽故名○明謝肇淛  
 詩馬桑峰口鼓鞞聲甲卒蒐山送客行五十里中

貴州各屬志 卷之二 六  
烟斷絕暮鴉寒雀滿荒城

屬司

大平伐長官司在衛南八十里洪武十九年置先是土人宋隆豆以招服本司蠻夷及撫東苗有功至是授副長官世襲○司之西南八里有冗刀山峰巒高聳形如劍戟土人保郎者宋末聚兵于此保障村寨○司界有谷峽山危峰峭壁一徑僅通其下爲甕首河水流入清水江

新添衛

宋荒服有麥新蠻者據其地嘉泰初土官宋永高始克服以子勝守之乃改麥新爲新添元置新添葛蠻安撫司隸湖廣尋隸雲南洪武四年置新添長官司二十三年增置千戶所明年陞爲衛隸貴州都司其路皆石齒行者範金飾馬蹄踏石鏗然火星隨迸爾雅所謂昆蹄善升巘漢書所謂踏石汗血是也○筆山在衛城南峰如卓筆高立雲端故名○衛城北有揚寶山山色蒼翠如繪又東北爲蔡苗山山頂有泉懸崖飛奔名曰白虹○衛城西南有甕城河其西卽麥新溪也苗人多于跳月吹蘆笙男女相和作樂名跳月溪○馮虛洞舊名



猪母洞其後洞曰雷鳴在衛城東二十里翰林丘禾實記畧云洞高數十仞玲瓏層複宛然樓居洞左有水自半山東下勢如建瓴前與洞水匯而去爲澗初至洞門稍折而西曲巷委蛇陡峻不可級先後各一僮拊葛以手若足屬僮掖且逆登洞廣數丈深倍之前俯臨澗其後爲沈泉清可以鑑泉後崖最穹隆稍右有門方濶如寢室余復循崖而西有滴水處可級以達上洞登崖有罅下通者二以足捫級得達至洞門少憩乃見懸崖繽紛如伏龍如蹲虎如委珮如流蘇前一罅直貫山頂罅上

一石離立如人崖漿滴其首蓋卽數千百年漿所化也洞上睨下洞若百尺樓頰澗水又似在重簷下余弟逕涉泉而入石門旣返謂余曰門內方丈餘更有重門其中若明若暗若泉若洲且重門上纍纍若有所屬殆龍蛇之類又前視泉中一物長尺有咫鱗甲皆具余恐真龍也挽之而出復從左山索之更得一洞深入無內履其傍聞聲如吼稍入如雷深入乃知爲澎湃聲有坎巉巖下臨無際則渟泓一潭也因名之曰雷鳴仍援石下視建瓴處實當小洞下有尾閭爲潭所洩水三疊如珠簾

貴州名勝志 卷之二  
北洞去馮虛洞百餘步地仍處高然水不下洩而旁穿爲瀑布云

屬司

新添長官司附郭沿革詳見衛下 國初宋永高裔孫名亦鱗者歸附至其孫仁貴授承直郎本司正長官世襲

小平伐長官司在衛西五十里元爲雍真等處蠻夷長官司以宋清貴爲正長官洪武十五年改今司授清貴裔孫斌保爲承直郎正長官世襲

丹平長官司在衛西南三百里元莫要武爲都總管傳四世孫谷送洪武十七年隨征有功授正長官世襲

丹行長官司在衛西南三百里元有羅光蓋任安撫洪武三十年以光蓋曾孫海爲正長官世襲  
把平寨長官司在衛南六十里元有蕭貞者任安撫洪武五年以其子任成爲正長官世襲

貴州名勝志卷之二終

貴州名勝志卷之三

閩中曹學佺能始著

新鎮道所屬

都勻府

平越軍民府

鎮遠府

黎平府

都勻府

領州二縣一長官司八

古西南夷裔地實名都雲五代史晉天福五年都雲酋長尹懷昌率其屬十二部附於馬氏即此元世祖至元十六年始置都雲定雲二府尋廢為二安撫司隸雲南 國朝洪武十六年以都雲安撫

隸四川二十三年改都雲為都勻安撫司設衛以隸貴州都司弘治六年始置都勻府與都勻衛全城○勻城記云勻之為郡不獨部夷難馭蓋尤有隣患東連草塘西近泗城南接南丹北連平伐四面皆警孤城衆山環繞一水縈流而郡居其中焉國初都勻收衛之年有散毛散狗二蠻作亂涼國公藍玉遣鳳翔侯張龍討平之○城西有小孤山城東有東山城西北十里有豢牛山郭子章黔記云弘治七年都勻鳳凰山崩此三山寔居其一○龍山在府城西二里主事張翀記略云都勻郡城

隔河有山雄峙雀鬼雙峰插天躋其巔逶迤若數千里群山俯其下狎狃四望南盡交廣北極湘漢南連滇蜀皆在目前誅茆卜築之日有靈龜大尺餘蹲伏其前者三日於是樓之閣之又殿而廊之自麓至巔鑿為磴道曲折盤迂可數千尺循磴而迴樹以竹柏殿後石陂高廣平坦其文青赤二色相間有泉一泓泠泠然潔也左右皆古木藤蘿清風時至如萬壑濤撼一起一伏不可名狀又多猿鳥白鷗飛翔叫嘯往來其間若素相狎者然陸東記略云出都勻西門渡邦水河濶百餘武為石砦

間支獨木輿人慄慄行其上及羊西行過小團陂山有洞不甚廣而空靈可探又西曰觀音坐山山旁道達姬家冲稍西北上煤炭坡郡人取煤供爨所也兩山洞門相望號鴛鴦洞山西則田坪麥苗芄芄然農夫耕其隙地即張子儀所墾田以資龍山院者又里許曰笄山以形肖几再重即龍山麓南北長嶺如袍由笄山後峰彎轉而南行窪徑中至磴道皆未石舍車而徒盤曲西上徑漸崎嶇僅容足又里餘渡橫澗有披烟洞洞可坐十餘人道旁漸見古樹桃梨野花雜錯若張錦綺又二里石

磴始寬二丈上爲閣三重閣之後爲殿左右翼廊登閣下矚群山環列不啻兒孫郡城樓堞市衢井舍歷歷在目巖巒古木蚪屈蛟蟠蒼碧疊間雲烟葱靄由閣之左緣徑西北行萬竹中僅如羊腸行里許有老桂巖桂在崑畔可數人抱高殆百尺婆娑可愛云按張狝字子儀馬平人 世廟時以比部郎抗疏論嚴分宜謫戍來勻勻人爲構讀書堂即所謂鶴樓書院也先生之言曰歲戊午余遣戍是邦又明年戎事甫定殘軀若甦始於城市僻處相地一隙林木深邃築草亭半間携破卷殘編時

一展讀焉公以隆慶元年賜環至萬曆五年吉水  
鄒公元標以論張江陵不終喪謫戍至郡僦居地  
舍尋結茆張公讀書堂之右後先若一轍居勻六  
年始召還居為諫垣勻之山川得二先生增賁其  
庶幾乎

都勻長官司

在府南  
七里

元為上都雲等處軍民長官司 本朝洪武十六  
年改置易今名初以土人吳賴為副長官景泰三  
年其孫正有功陞正長官世襲○司東十里有洞  
亦曰都勻前門北向高廣僅丈五尺後門南向高

廣四五尺洞生亂石如象鼻之狀而雜草蒙茸治  
南有水亦呼都勻水

邦水長官司

在府西  
二十里

正長官吳姓世襲

元為中都雲板水等處軍民長官司地洪武十六  
年置今司邦水之於板水猶都勻之於都雲也○  
司西之山曰箐口林水翳然陟之可望龍山

平浪長官司

在府西  
五十里

正長官王姓世襲

本元都雲安撫司之地亦國初分置○司東南十  
里有麥冲河河岸有古寨○司東三十里有九龍  
洞洞內石龍張露鱗鬣蜿蜒如生○司西南六十

里爲凱陽山勢甚險峻有寨其上按卽凱口圍也圍十餘里高四十丈四壁斗絕獨一徑尺許盤旋而登上有天池雖旱不竭○嘉靖丁酉都勻部苗阿向與土官王仲武爭田構殺仲武出奔阿苗遂據此圍爲亂督撫軍門檄宣慰安萬銓討之邀重賞始行提兵萬餘屯圍下相持者三閱月仰視絕壁無可爲計獨東北隅有巨樹斜科偃蹇半壁間然去地二十丈許安令軍中日能上絕壁者與千金有兩壯士應命乃鍛鐵鈎傳手足爲指瓜人持四徽一劔約至樹憇足卽垂徽下引各人而上有

頃聞刺刺聲若崩石則一人墜地壑粉矣俄而四長徽下垂始知一人已據樹乃遣四兵緣徽而上蹲伏樹間壯士復自樹爬緣而上至圍頂適遇巡檄者鳴鑼至乃伏草間俟其近揮劔斬之鳴鑼代爲巡檄而賊恬然不覺也乃垂徽引樹間四人四人復引下人纍纍而起至圍者僅二三十人便舉火發砲大呼曰天兵上圍矣賊衆驚起昏黑中自相格殺死者數千奪徑奔下失足墜崖死者又千人黎明水西軍蟻附上圍撫臣令軍中日賊以鬪格而檀殺及黎明後殺者功不錄自是一軍解體

相與賣路走賊阿向始與其黨二百人走圍營一空焚其積糧乃班師而以官兵三百戍圍月餘阿向復糾爛土黑苗襲圍盡殺官軍撫臣又檄叅將李宗祐討之為賊撓去以千金贖圍復詔安萬銓勦之萬銓乃招阿向待以不死責王仲武均其田而亂始平云

平洲六洞長官司

在府西南百五十里

正長官楊姓

亦元都雲安撫司地與平浪司同時置○平洲河在司治南水中有沙洲土人開肆貿易其上○六洞山在司西南七十里山極奇峻上有六洞寨○

鄒元標曰余童子時有傳鶴樓先生集至文江者從旁窺之至龍山道院記恍遊員嶠方壺恨不旦暮往彼未問曲折心津津在平洲六洞中矣

麻哈州

在府城北六十里

土同知宋姓世襲

元為老犵狁寨後改麻峽縣 國初為麻哈長官

司隸平越衛尋陞為州改今屬領長官司二曰樂

平曰平定○州西十里銅鼓山有樹狀如圓鼓因

名山麓有水晝夜三溢不愆其候又州東十里有

波隴山州南有麻哈江○滇程記云麻哈江津人

乃木獠夷以石壘就水澤芟獠家夷女留鰕蝦以



供臚祭

樂平長官司 在州西四十里 副長官亦宋姓

元狝狝寨地洪武中置今司隸平越衛及麻哈改州移屬焉○司南為樂平溪東北五十六里為馬場山以與牧馬場相連故名

平定長官司 在州北一百里 長官吳姓世襲

本朝洪武二十二年置初屬平越衛三十年改屬清平衛及州麻哈又改屬之○楊古山在司北二十里平定山在司南三十里○司東八十里為舟溪江五十里為山江河有山江渡去清平城四十

里

獨山州 在府南一百五十里 領縣一長官司二

元置獨山州軍民長官司屬新添葛蠻安撫司

本朝洪武十六年改為九名九姓獨山州長官司弘治八年與麻哈同時改為州○鄒元標疏云衙舍荒蕪淒涼滿目莫甚于麻哈獨山二州又云如獨山知州吳譽聞文學吏事亦自名家入官以來夜篝燈同妻子守孤印而含冤被論去他可知矣

○獨山在州南二十里尖圓陟險無他山聯屬故名○治南又有鎮夷山山高而頂平有土酋結寨

以鎮苗人故名

清平縣

在州城北一百三十里

歷代夷酋據之元爲麻峽縣地 本朝洪武十四年開置清平堡尋改爲衛遷治於堡北領有清平長官司弘治八年改司爲今縣以司治爲治○縣東二里曰東山絕頂盤石平坦可坐數十人縣南三里有三石如人對奕名石仙山○縣北七里天然洞一名小空門逕呀然弘邃虛明可肆几筵其左有太極洞又十五里有雲谿洞三洞皆軒敞可以游息雲谿洞有一溪水從洞流出以資溉田又相近有賓陽洞吳國倫詩竒峰倒作萬蓮開洞裡陰晴只浪猜罔象不驚龍正臥寒湫夜夜噴風雷此天然洞作也雲谿谿上碧雲流有客乘雲當入舟石穴空明無一象璇池瑤草飯青牛此雲谿洞作也學使者蔣信詩青山臨路石門開天地神工亦異哉不有仙人能指點何由竹杖得迂迴乃賓陽洞作也○香爐山在城東三十里盤旋三重壁立萬仞形如香爐景泰初苗蠻帶同烈據之以叛都御史王來討平之口田汝成云香爐山連亘三四層攀緣鳥道而上上容百萬人窮峻極險有漢

流一溪沃疇千畝聚落蜂屯保以爲奸正德十二年復叛湖貴合兵討之環列山下弗克攻尋有隕自厓者獲而訊之則江估之被虜也因知苗俗以長至爲歲朝至其夜會大雷雨苗皆醉夜半土兵架木梯懸絕壁因尾江估援厓上兩哨路數人遇柝者更鼓者俱殺而代之衆軍率登乃焚柵燔巢悉殲之遂城香爐爲官戍居其降者於黃猴落燈之間焉○滇程記曰興隆衛達清平衛七亭而遙曰黃猴周洞重安羅冲落燈○郡人孫應鰲清平十二誣今存其二云秋日荒城隱暮笳太山猛虎末州蛇稜稜黃葉漫空舞繞郭茆茨只幾家又教塲草長蟋蟀鳴數十操軍不滿營但願承平似今日國初屯戍九千名

合江洲陳蒙爛土長官司

在州東一百里

副長官張

姓世襲

元爲都雲安撫地後置合江洲及陳蒙章氏長官司洪武十六年改今名○司東南三十里有梅花洞宣德九年都指揮顧勇等攻破之○元置都雲定雲二府而定雲府領有合江及陳蒙二州即合爛土三種其名爲一司我朝弘治四年爛土酋

也富架重惡龍等爲亂其明年總兵鎮侯顧溥帥師討之七年春始平嘉靖十六年復從阿向襲殺凱口圍官軍其名不佳者其種自惡

豐寧長官司

在州南一百二十里

長官楊姓

亦元都雲安撫地沿革同前○司西南八十里有行郎山山麓斗絕山頂平坦有蠻民二百餘家居之造梯以登半崖下流泉湧出四時不竭

平越軍民府

領衛二州一縣三安撫司一

漢唐爲蠻夷所據宋嘉泰初土官宋永高克服麥新地內附號黎峨里等寨元置平越長官司隸八

番順元宣慰司洪武十四年置平越衛屬四川萬

曆二十八年播州平以黃平安撫司改黃平州草

塘甕水二安撫司白泥餘慶重安容山四長官司

改餘慶湄潭甕安三縣而建平越軍民府于衛城

以統之并割清平衛凱里安撫司平越衛楊義長

官司俱屬焉○犀牛洞在府城南隅張三丰高真

觀下洞有石犀正德間觀內鐘夜半與牛鬪如雷

吼侵晨水草猶有存者三丰名猷或曰羊城人或

曰閩人少遇異人棲靜三十年出山混俗補刑曹

吏以囚劫獄編戍平越解將入境三丰浴于河沈

溺不起明日自水出袖各司圖文解者探囊中而原文已無矣始神之別去及居平越千戶張信待之甚厚久之謂信曰吾爲汝父治墓地以報君殷勤命信負其父骨指一巖窟曰汝往擲置之口中旣入見石牛欲相啖懼而掛之角出以告三丰丰曰封侯亦足復授鐵椎命往擊洞門石磴且曰擊不過一二椎至斷而已信不勝擊至七方斷見金鱗飛去歸而告之三丰丰曰惜哉汝八口只存汝一人十年後信之家口垂亡盡獨留信一人在焉後永樂靖難信以功封隆平侯至十二年奉勅祭

武當山見三丰于山中石巖炊瓦釜傾米汁爲茶送棗一枚信置湯不飲袖其棗而別下山視棗已長尺餘今觀有三丰禮斗亭浴仙池○峩黎山在府城東絕頂有泉又有穿巖巖孔穿透廣容千人○月山寺在府城西又二里有燕子洞群燕棲集于中又十里有百人洞一名穿洞清泉湧出廣可容百人○城東南五里有七盤坡道經其上王守仁七盤坡詩烏道縈紆下七盤古藤蒼木峽聲寒境多竒絕非吾土時可淹留是謫官猶記邊烽傳羽檄近聞苗俗化衣冠投簪寔是有居夷志垂白難

尋菽水歡○城南四里馬場江與羊腸河通其水  
湍而深中流如沸武勝關設于此左右懸崖一水  
中貫寔諸路之衝也又有羊腸關在城東南二十  
里○月山寺在府城西○滇程記云清平衛達平  
越號六亭曰鷄場胡資楊老羊場三郎寔九亭而  
遙陟梅嶺關渡麻哈江地有羊鷄之場諸夷互市  
處以十二辰相迺歷十二日一市每場歲三十市  
歲暮卽場醜會持牛角爲觴吹蘆笙爲樂男女踏  
歌盤錯互侑以歡至元夕乃撒

清平衛

東至興隆衛西至平越府各六十里與清平縣全

興隆衛

漢唐皆爲牂牁蠻地宋號狼洞隸黃平府 國朝

洪武二十二年傅友德南征以地當西南要害始

置衛隸貴州衛城北龍巖山下淵有龍居之時出

雲雨故名衛曰興龍後改龍爲隆○飛雲巖在衛

東三十里巖西爲月潭寺中爲公館王陽明有記

其略云興隆有巖曰月潭壁立千仞簷垂數百尺

其上瀆洞玲瓏浮者若雲霞亘者若虹霓豁若樓

殿門闕懸若鐘鼓編磬幢幢纓絡謫音變幻不可

具狀而其下澄潭邃谷不測之洞環密圍伏吳維  
嶽飛雲巖記畧云興隆東行三十里有月潭寺寺  
左爲巖距地百餘尺中虛而下嵌乳液融結紛詭  
殊狀豎者柱矗懸者絡綴揚者鳥厲突者獸躡躡  
級漫瞻歛衽徐睇極意所愜邃洞豁舒而宵際清  
渠激注而前繞○龍洞山在衛城北里許又名狼  
洞石勢嶄巖水色深碧相傳有龍居其中每雷雨  
則飛出謝肇淛興隆衛詩乾田一夜羽書馳客子  
心驚馬步遲今日材官新獻馘雲巖草木盡旌旗

黃平州

宋爲黃平府隸叙州元隸播州洪武八年改府爲  
安撫司以地皆夷獠多叛增置黃平所守禦隸四  
川都司十五年改隸貴州都司萬曆二十八年播  
州平改爲州與所同城屬平越府○州城東有梅  
子洞以多產梅樹因名又五里爲七里谷俗名七  
里冲兩山壁立中通一路楊酋叛時屯兵二十七  
營於此以窺黃平蓋以此谷爲貴竹咽喉也○馬  
鬃嶺在州東四十里嶺之陽有馬蹄井大不盈尺  
深入石竅丈餘相傳唐末一將軍追酋賊至此軍  
渴馬足忽陷清泉湧出酋退馬因墜鬃于此其鬃

豎立虛空若在馬首而不就地拔之不可得掘之亦不可得其後欲求見者具紙錢拜祝始露其形○斗崖山在衛西五里有洞高五丈濶減其半崖之中無路可通左有虛崖長二丈似徑以行常有涓涓之泉下滲每旱時崖輒狂風透出飛沙揚石洞後山頂有穴一道人遨遊其上忽墜入穴中時黑時光二里出洞口見洞兩邊疊疊金鱗似龍道人出與老樵語其事引往視之而道人莫知所往崖間隱隱有字剝落不堪讀○燕子洞在衛城西十五里紫燕千百為群潛藏於此冬不可鄉洞口

二丈其土疏而黏黑而肥土人用之糞田入洞二里持炬至大洞內源泉混混聲如鳴金有時如擊楫時有黑衣人乘霧出入○都凹山在衛西北三十里有琴板寺在萬山巔曩一老人露居野宿數日始陟其處寺右小石池池側一小井上有索不知遺自何年老人擲之於井縷直不可汲入寺若有火烟氣而不見人少頃陰風怒號難以復留老人歸語所知有詣遊者但遙見一茅茨在雲中耳○徑亨洞在州北二十里洞內房室巍峩器用鮮潔人有欲借釜甑壺者拜祝酒吏挈出借之但可



睨視而已其後借者送還多置山麓神怒毀器而  
錮其門因名封鬼洞間有聞杵聲或時見米糠浮  
水而出○冷水河在州城東源自朗城舊土司水  
白而寒三伏不可涉

餘慶縣

府東百五十里有餘慶白泥二長官司元末俱為  
州洪武十七年仍改為長官司俱屬播州萬曆二  
十八年播平合二司改為縣屬平越府○白泥江  
在縣東二里源出黃平葛浪洞經縣界流思南河  
縣西三十里有小烏江源出椒溪經縣南流入涪

江又三十里有大烏江河源出水西經縣界流入  
思南河

甕安縣

宋有草塘甕水為黃平府地洪武八年於重安置  
長官司草塘甕水置二安撫司俱屬播州及討平  
楊應龍合三司為甕安縣屬平越府○旗山在縣  
南五里峰頂橫開一洞名川巖如天中之月縣北  
三十里草塘舊治後有後崑沿巖而上曲折處石  
列兩傍如雉堞狀又城北三里鼠場有龍洞極幽  
邃水深數仞中一石橫架如橋寬夷可涉其水澄

清時有神魚不可以餌釣

湄潭縣

萬曆二十八年討平楊應龍因以播州舍竹壩三里七牌地置湄潭縣屬平越府湄潭之水源自播州流繞縣前宛曲如眉故以名潭而縣名亦以因之

凱里安撫司

元時四川播州有凱里安撫司其安撫曰楊端洪武間端之孫友授宣撫與弟爭殺正統間割置攻屬貴州清平衛萬曆二十八年討平播州改屬平

越府

鎮遠府 領縣一土司二

古有豎眼大田溪洞唐武德元年以其地當牂牁之衝置婺州貞觀八年改思州天寶中改寧夷部後陷於蕃宋紹興初復置思州以田氏爲守德祐元年田氏降置鎮遠沿邊谿洞招討使司尋改軍民總管府以田氏爲總管治鎮遠中河山洪武五年改總管府爲鎮遠州隸湖廣永樂十一年廢思州思南二宣慰司以故地爲鎮遠等府屬貴州正統三年省州存府府與鎮遠衛全城

鎮遠縣

附郭

古思州地有鎮遠金容金達蠻夷長官司宋大觀元年田氏內附始置安夷縣尋廢元初改鎮安縣我明正統三年復爲長官司弘治十一年長官何倫以罪革改司爲縣設流官附郭○郡有生熟二苗熟者頗輸丁錢生苗習於剽掠俗皆椎髻赤脚飲食用蕨灰爲盥其女子及笄入山與男子唱歌相和當意者不告父母而至男家俟有胎孕方拜翁姑稱婦每生子皆奉一牛於女之父母無子者則以婢畜之別覓他女如前○石屏山在府治後

石高百丈端直蒼潤如屏風山半有石竇父兩竇中水出其明如虹則江必溢故居民避水以此爲候山右有路上通旋繞屈曲名九曲岡○縣後有大石崖山苗自金浦狗洞來由此○又有小石崖山苗自施乘鼓樓坡來由此則在鎮遠衛後○味泉在府治西一名味井其水極甘○中河山在府治東半里兩水夾流山處其中南麓爲玄妙觀北岸產白石光潤可琢硯及圖書土人謂昔豎眼鬼所居莫敢動兩崖巨石獨立水中上豐下儉呼香爐崖府城玄妙觀後有太和洞廣一丈二尺袤一

丈八尺旁有支洞深黑不可入○鐵山在府城東北三里石皆鐵色其下爲鐵溪南行入鎮陽江其水清淺可愛產羸蟹及小魚味極佳溪之第一灣有巨石下瞰如屋廣五丈袤一丈七尺高一丈二尺其前溪水清冷可茗第二灣有長潭其北卽絕頂也郡守祁順遊鐵溪二記畧云余以公暇約寮二守爲伴步出江澣登小舟順流而東兩山夾峙水自中出是爲鐵溪舍舟循溪而入見水東有石巨麗卽下瞰如屋者可二里東望烟靄中三峰崑立如畫山初入四望如堵忽又通豁其崖石往往

傾仆如墮其下洞穴深汲可坐可臥山之趾衆水交流匯而爲淵激而爲瀨群儵往來歷歷可數遊鐵溪之五日二守復請漁于長潭乃乘小舟順流至潭岸北群峰疊出飛石架空狀如蟠螭俗呼仙人橋其前有峰直挺上出飛鳥盤旋出其下南岸石委積成洞中有蹊隧可通往來江之中群石錯出急湍奔瀉名浮石灘其東有石側立上多樹木庇覆名古牛崖長潭之水清碧如澱舟人如憑虛御空忘其爲泛涉也○大洞在府城東五里分水嶺北洞門一隙而入其中寬廣如七間屋故俗名

洞爲七間屋中書丁璣詩四首野日春正暝山陰  
午猶濕布穀不停聲人人荷鋤立又蘭橈泛江水  
江水綠於苔日日斜陽裏行人自往來又空崖蒼  
翠間平窪自相逗有時石上眠雲來觸衣袖又潭  
淨山同色雲寒鳥不飛微茫烟樹際獨見釣船歸  
○觀音岳在府城東十里有石山高數十丈屹立  
江上其趾壁開爲洞廣一丈袤三丈高如之涵演  
清漪可比船而進洞半有竅如牕上有石如佛像  
洞頂色碧有紋隱起如龍蛇又五里有馬場坡兩  
傍皆深谷中有一路苗自白虫者必由於此○吉

祥山在城西半里臨江狀如燕窠上有吉祥寺寺  
前水深磯石峻嶒漁人集焉程燦詩西域鷲峰寺  
南溪燕子窠桃花肥細鱖綿竹挿迴渦斷續風前  
笛披離雨後簑數聲江上曲明月正斜過○平昂  
在府城西三里諸山自白羊坡頓伏而來至此方  
止雙峰圓聳挿天江水環其前四山迴合中有平  
原可居又一里有獅子山自東南望之如獅自北  
望之如展旗又六里有白石柱臨江駢立一大一  
小高數十丈府湧溪西至偏橋有西峽諸山爲崖  
者如樓臺鼓角爲巘者如銀牆鐵壁有飛瀑數處

掛崖石高百餘丈稀者若輕縞薄霧厚者噴沫如撒珠春夏盛時飛過南岸船經其下仰視如白虹  
○鎮陽江即澠水一名鎮南江又名澠溪蓋五溪之一也在府治前受黃平興隆諸水過府城東流二三百里入沅水○缺溪在府城西產異蟹水利可涿鑛因名又四里爲牙溪又名雪溪溪中有鬼物舟過此者寂不敢譁每清明三日居人皆閉門禁烟行旅不敢出其途犯者立致災禍余同年友鄭憲爲鎮遠縣今日覩其事

施秉縣

在府西南六十里

元至元二年建前江等處軍民長官司洪武五年改施秉蠻夷長官司後因土官田琛構兵司廢正統九年改爲縣設流官○岑麓在縣城北四面陡立岡隴重複初縣治在從化鎮正統十四年苗叛縣燬景泰間招撫復業依此以居

府屬土司

邛水一十五洞蠻夷長官司在府東八十里宋置邛水縣元改安寧縣尋復舊名洪武五年改置團羅得民曉隘陂帶邛水五長官司二十五年併四司入邛水副長官袁誠本世襲

備橋長官司在府西六十里元至元二十年建本  
司洪武五年以原任鎮遠府土同知安德調爲正  
長官司其左副長官楊錢灘男文鳳保右副長官  
楊通賽俱仍舊任世襲

黎平府 領縣一長官司十三

將柯夜郎之旁地自古不入版圖五代時思州田  
氏據其溪峒宋乾德中各授土人爲蠻夷官隸湖  
北路元置潭溪等處軍民長官司隸思州宣慰司  
洪武中置蠻夷長官司增設五開衛永樂十年改  
置黎平新化二府隸貴州宣德末以新化省入黎

平而衛隸湖廣○銅鼓峯在府城東北二十里石  
洞高大如屋深遠可三里許漸深處一竅通明再  
入小溪橫流來去深不可測有石平鋪可十餘丈  
其紋片片如雲如皐又如龍甲俗呼萬頃田○飛  
山在靖苗戍舊有飛山廟祀其酋長楊再思甚著  
靈蹟洪武十九年移在府治東隅石晉天福中再  
思據十洞僞稱徽誠二州刺史附於馬殷至宋太  
平興國中誠州酋長楊通蘊始歸附通蘊尋卒其  
弟通寶入欵

永從縣 在府城南  
六十里

唐有谿峒福祿州宋改福祿永從軍民長官司洪武初改蠻夷長官司弘治六年改今縣○福祿江在縣南源自苗地至府西境為古州江東流至此合彩江是為福祿江○羅團洞在縣東北十五里洞門寬廣旁有石磴如床可容二百餘人○治東四十里太平山倍之為摩天嶺又二十里為龍見山○治東南九十里有巴龍山西北一百二十里為寶唐山

府屬土司

潭溪蠻夷長官司在府西南三十里宋置潭溪長官司洪武初加蠻夷長官司後以石平永征古州有功授其子文漢為正長官世襲○司南一水清澄可鑑者潭溪也巨石跨其上廣二丈餘長十倍之名天生橋西南有銅關鐵寨山山勢高峻其上平廣可容千人三面據險惟南向可登○磨盤山在司西北以山頂有石形似而名天旱鞭之旋雨八舟蠻夷長官司在府北二十里宋元皆軍民長官司洪武初改蠻夷長官司正長官吳金骨舊職世襲○司南有八舟山上有石如人曰仙人巖其西南為八舟江來自黎平府城東北流入新化江



西北合清水江

洪州泊里蠻夷長官司在府東一百五十里正長官李德輿河南永寧縣人洪武五年從江陰侯征古州叛蠻授今職世襲○司前小山下有龍洞深廣各里許中有龍潭西有蓮池滙爲潭洞江○司北洪州江源出本府之龍見山而合渠陽江○洒洞山在州境山下出泉神司之也名洒洞泉

曹滴洞長官司在府南三十里本宋容江巴黃長官司地元置曹滴洞軍民長官司洪武初以容江巴黃司併入改曰蠻夷正長官楊都萬乃楊再思

裔孫也五代兵戈攘擾再思懷有徽誠稱刺史當宋盛時其子孫相繼入款故楊氏獨盛而都萬授今職○容江在司西南源出苗地北流入福江祿

古州長官司在府西六十里宋咸平初古州刺史向通辰入貢其後向氏世世入款元置古州八萬洞軍民長官司洪武五年改今名以楊秀茂爲正長官二十五年古州蠻叛都督俞通淵討平三十年復叛詔楚王湘王合征之於是清平黔陽古州諸蠻悉平而楊氏世襲如故

西山陽洞長官司在府東南一百里古爲生苗之

地未樂五年始置司以韋方魁爲長官其地多崗人獷悍喜殺地飢而惰於耕作惟務剽畧尋常持刀鋌挾弩矢潛伏陂塘踉蹌篁薄中飄忽殺越不可踪跡自正統中崗人叛方魁遂納印於府其後稍平復嘉靖八年方魁裔孫文郁求襲世職不許而吏部除吏日往治崗亦不納乃以韋昌金爲長官○司北有大崑山其西爲高風嶺東爲天目山○大崑江受福祿江之水流入廣西柳州界

湖耳蠻夷長官司在府北一百三十里元舊司洪武五年以楊耳祿爲正長官永樂十二年以歐景亮爲副長官皆世襲○石流泉在司東三十里飛泉迸出亂石如流故名又十里爲九牛山

亮寨長官司在府北一百里司治西有諸葛武侯古寨因以爲名洪武五年以龍政忠爲長官世襲歐陽長官司在府北九十里元時江西泰和人楊都統以功授長官世襲至今

新化長官司在府西北六十里永樂中立新化府後併入黎平此其地也洪武初以歐明萬爲正長官世襲○司南十五里有六疊山週迴六疊始陟其巔故名○司東南有徐侯墓相傳宋辰州太守

失其名因入峒招撫蠻人被害棄尸河內日則順  
流夜則逆泝洞蠻神之因改苑焉

中林驗洞蠻夷長官司在府西北一百里其正長  
官楊盛賢洪武五年從江陰侯平苗以功授

今職

赤溪洞蠻夷長官司在府東北二百里其正長官  
楊通諒永樂六年以剿羅臺賊功授今職副長官  
吳世銘襲元舊職

龍里溪蠻夷長官司在府西北九十里其正官楊  
光福洪武初以功授今職○廣輿記云司境有龍  
標寨乃唐叙州潭陽郡龍標縣地王昌齡以江寧

丞左遷龍標尉李白贈之詩云楊花落盡子規啼  
聞道龍標過五溪我寄愁心與明月隨風直到夜  
郎西

貴州名勝志卷之三終

貴州名勝志卷之四

閩中曹學佺能始著

思石道所屬

思州府

思南府

石阡府

銅仁府

思州府

領長官司四

春秋屬楚秦屬黔中郡漢屬武陵郡西陽縣三國  
吳分置黔陽縣地隸焉隋為清江郡唐為思州寧  
夷郡丹川丹陽二縣地先是有田克昌者不知何  
許人以商賈僑居於此數傳至安定思議二人能

以恩信結服夷民爲大首領是時爲唐永隆年所著鐘銘猶存至宋其地屬思州安夷縣田祐恭以累討叛寇有功紹興間官至奉寧軍承宣使卒年八十贈開府儀同三司少師思國公元元至元十二年田氏降置沿江安撫司隸思州宣撫司尋自龍泉坪徙宣撫司治於清江稱思州而改稱故思州爲思南隸湖廣是時田仁厚爲思州宣撫使兼湖廣左省洪武初仁厚獻鎮遠思州二府婺川等十縣及三十四州於是分置思州思南二宣慰司以仁厚爲思南宣慰使子弘正率部屬從征群蠻授

思州宣慰使其族屬有田仁智者亦授宣慰使居思南爲二田又族人田茂安者初據沿河婺川以獻僞夏明王珍夏亡茂安乃降立爲思南宣慰使其後仁智子田琛與茂安之子宗鼎爭地構亂遂滅之以爲府○峩山在府治南其山翠嶺而嵬峩也下爲架溪跨以木橋○異溪在府城東八里以小水各分派入于平溪大河也又三十里爲崑前山○江頭山在府城西八十里其有歇路坪土人以節序相聚笙歌于此又二十里爲天應山相傳昔禱雨者呼天而應故名

都坪峩異溪蠻夷長官司附郭元爲臺蓬若洞住  
溪等處蠻夷長官司隸思州洪武六年改置今司  
以原任宣慰司頭目何夢霖爲正長官永樂元年  
原任宣慰司頭目周斌從征亦授正長官皆世襲  
黃道溪長官司在府東北一百三十里唐爲丹陽  
縣元爲黃道溪等處軍民長官司元有宣撫司同  
知劉貴者洪武初勸田氏稱臣入貢歷授平岳司  
長官二十五年調本司正長官又有宣慰司頭目  
黃文聰以功授本司副長官俱世襲○司治西七  
十里有泉洞崖壁千仞瀑泉飛瀉下成溪河以艇

從傍入洞廣容百人○龍泉在司治北其水清潔  
而甘居民賴以溉田但不可滌垢垢則泉闕不出  
又有豎眼洞有物如人一目豎生每靜夜常出於  
河漁者值之亦不傷害間竊人網而復還之併以  
魚置網中爲酬○司北五里有淘沙溪淘洗沙石  
可以煎水銀

施溪長官司在府治北二百二十里唐爲丹川縣  
元置今司洪武元年以元土官劉道忠有功授正  
長官世襲

都素蠻夷長官司在府治西九十里舊爲田宣慰

親管之地未樂十一年設本司

思南府 領縣二長官司四

元至正二十二年僞夏明王珍置思南道元帥府始有思南之名洪武五年分置思州思南二宣慰司而思州始析爲二未樂十一年二宣慰使以構兵罷其世官二司始改爲府而設流官詳在思州志中○崖門山在府城西兩山對峙巉壁險峻官道出其中左曰大巉門右曰小巉門未勝武勝二關依巉而立郡之門戶也去崖門數里有迎春藏春二洞不甚深廣而壁立竒峭石色黝潤有鐘鼓

洞二寬廣相亞入者必以炬上有二石乳懸空擊之作鐘鼓聲○古牂柯郡城在府治西相傳卽漢末時所保有巴江水在城西南遶龍門山而接牂柯界○萬勝山在府城南四面斗絕元末紅巾之亂郡人避兵于此○白鷺洲在城東北烟水蕭疎與雲樹相掩映頗似中土○馬援祠在故思州治相傳宋時田祐恭之母夢馬援入其它乃生祐恭而援祠不復靈應及祐恭卒有見其跨馬入援祠者自是神靈復如初焉

安化縣附郭詳見府下

婺川縣 在府治北二百四十里

隋置屬庸州後屬巴東又隸思州永樂十一年改今屬其俗得獸祭鬼擊鼓迎客採砂為業用泥封門○廣輿記大崑華蓋二山俱在縣境洞壑深邃可資游覽亦云昔人避兵之所

印江縣 在府東三十里

唐置思邛縣以縣十里有思邛江為名後乃訛邛為印至元時遂改思邛江長官司至弘治八年長官張鶴齡以罪廢因改為縣

屬司

水德江長官司附郭隋為賓化縣五代歷宋省入婺川縣元置水特江長官司以張坤元征苗有功授本司正長官洪武二十三年曾孫乾福襲改水特為水德永樂十八年以楊潮海為副長官皆世襲

蠻夷長官司附郭元思州宣撫司地洪武十年始置司其長官安氏本京兆人祖曰仲用同田少師督兵開設思州任義楊元帥六世孫世興授沿邊溪峒軍民總管八世孫輝洪武初歸附授今職其副長官李斌國初歸附授隨司辦事長官永樂五



貴州名勝志 卷之四  
年授今職皆世襲

沿河祐溪長官司在府治北一百一十里唐武德四年招慰生獠置城樂縣五代以後省入婺川元置今司以張文龍爲正長官冉未安爲副長官皆世襲

朗溪蠻夷長官司在府城東四十五里唐置朗溪縣宋併入婺川元置朗溪洞洪武十年置本司其正長官田氏元時有穀保任進義校尉大萬山長官洪武五年歸附三世孫榮以功授今職副長官任氏元時有文貴者任石洞長官永樂四年三世

孫鑑以功授今職皆世襲金事羅昕朗溪司詩百家村落一荒司列嶂迴峰碧四垂風俗漸看同郡國印文猶自刻蠻夷重樓鐘鼓初晴夜夾道旌旗薄暮時自是年來親翰墨壁間隨處有題詩

石阡府 領縣一長官司三

秦黔中郡漢夜郎縣牂柯郡地唐初爲思黔二州境武德四年置夷州義泉郡即今治也貞觀十一年徙郡治於綏陽五代復爲蠻夷宋太平興國間夷州蠻入貢置綏陽夜郎二縣元置石阡等處軍民長官司隸思州宣撫洪武初改隸思南永樂十

一年改爲石阡府○龍山在府城東南隅山下有  
風鬼洞知府余志辯畧云府後高崖曰龍山轟聳  
雲表左崖畔一古洞門敞若戶進三四丈一洞門  
漸小僅足容身昔有人入見其中銅鼓金盃銀物  
之類甚夥石隙中有水瀉下深潭莫測疑有蛟龍  
潛之風氣逼人毛髮盡豎春水漲漫流至五巴塞  
桶口出入于大溪冬日則涸歲旱求水卽得雨大  
風颭發人不能行疑爲鬼物所憑名風鬼洞以余  
言之洞中幽深陰淫之氣勝水亦陰氣水能生風  
所以風之發有巨細無形影謂之龍潛或者有之  
謂之鬼未之信也又二洞辯略云府治西面兩山  
高下相并曰崖門崖下水流合平茫水入大溪崖  
門西上有洞懸空朝北高峻莫能窺其深廣春夏  
間人過者仰視其中有鑼鼓聲秋冬則無聲又張  
家塞高山上有一洞高險人莫能到春夏間亦有  
鑼鼓聲秋冬寂然人俱目以爲風鬼噫洞者山之  
竅其中空虛以通氣陰淫最勝發爲地風又值洞  
口樹水爲天風吹嘯動激其聲貫入洞中與地風  
相應遠聞似乎鑼鼓秋冬萬物零落無物觸動雖  
有風而聲不作所以寂然無聞也○龍洞在府西

南余記畧云洞在龍底江上其山高峻下有洞濶  
三丈許深約三里燃炬以進數十步有圓洞門約  
三尺又五十餘步有天生橋約丈餘橋內有石田  
過橋兩石如盤形類葵花上有水滴盆中其深莫  
測洞內惟聽水聲潺潺而已相傳神龍所潛故名  
龍洞洞產奇石大小類鴨卵上有花紋深碧色俗  
名醮果任人賞翫不得懷歸

龍泉縣

在府西一百二十里

隋有義泉縣唐貞觀十一年改智州爲牢州徙治  
於此元置大保龍泉長官司永樂十七年以安永

和爲正長官傳至安民志萬曆二十八年播酋楊  
應龍突犯龍泉民志戰死及播平改司爲縣錄民  
志一子世襲土縣丞其祖職長官與副長官朱承  
勛俱世襲土主簿○騰雲洞在縣城北十里平地  
突起一峰四面險阻中通一孔僅可容人入數十  
步洞中高濶各五七丈左右有罅通明者五又十  
里有黃魚泉水泛則黃魚群出大者百餘斤年豐  
魚出益廣○鳳凰山在縣東山下有魚子孔口圓  
如盤日出則光漾於中其深無際水泛輒有青紅  
間黃之色前有石磯鱗魚滿尺常躍磯上迴旋泉

窟人不可捕

府屬土司

石阡長官司附郭唐爲寧夷縣宋省入綏陽縣元  
置石阡等處軍民長官司洪武五年楊正德以其  
地歸附改石阡長官司正德本太原人其先令公  
之後曰文廣者從狄青南征儂智高克服南土得  
世官如石阡烏羅萬山邛水提省平梅皆宗之孫  
智通征丹章有功進思南都元帥府僉事僞夏聞  
其名授以思州都總管不受智通子卽正德也授  
承務郎副長官世襲其正長官安景文以永樂十

四年任景文本京兆人祖宗誠以隋大業二年平  
黔夷授義陽元帥在今龍泉司至宋有安文者與  
弟安武從田祐恭東平保靖西克馬湖涪夷擒龍  
州叛賊任政隆加榮祿大夫石阡龍泉葛彰偏橋  
思南土官皆其後裔至景文洪武三十二年隨宣  
慰司辦事長官未樂十一年宣慰司革隨府辦事  
十四年授今職○金雞山在司東高百丈翠微之  
色如沐有黃楊山產黃楊木故名○秋滿洞在治  
南余志記略云府南梭寨隔岸之山高峻凌空下  
有秋滿洞洞門開敞中有一眼通明洞後穿過塘

池寨平茫溪石泉長流灌田正統間苗賊爲亂民多竄入洞內賊不敢入但守洞口計必困死於內而入穿後洞出塘池平茫遂皆得免

苗民長官司在府西南八十里唐爲洋川縣有水名洋川今洋溪是也宋爲樂源縣洪武十年置今司於故縣治之比壁林三十二年以原任龍里司副長官汪得英爲苗民正長官世襲

葛彰葛商長官司在府南一百里唐爲都上縣貞觀四年以縣置夷州義泉郡宋廢元置今司洪武五年以安永歸附授正長官世襲○夜郎縣古蹟

在司治西六十里按西漢書楚將莊豪從沅水伐夜郎至且蘭椽船於岸後以且蘭椽船牂柯處乃改其名爲牂柯異物志云牂柯者繫船杙也吉水羅倫謂烏撒七星關水卽牂柯江源析流爲盤江去此甚遠蓋夜郎從高戎直通甌駱此亦所轄之地但非其治所耳西漢書云夜郎最大又夜郎侯問唐蒙曰漢孰與我廣大莊豪從沅水至且蘭乃破之此其證也漢武帝欲通西南夷道不通於是罷西夷獨置南夷夜郎兩縣此亦非縣治舊志云晉分牂柯置夜郎郡是以爲晉郡唐太白之謫夜

卽者此也

銅仁府 領縣一長官司五

漢爲武陵郡地唐初爲辰州地垂拱二年分辰州麻陽縣地置錦州盧陽郡始於此置萬安縣爲屬天寶元年更名常豐宋爲思珍二州地元置銅人大小江等處蠻夷軍民長官司蓋境之西南有大江西北有小江當其合流之處崖高數十仞挺然立於中流相傳有漁者沒其底見三足如鼎得銅範儒道釋三像故以銅人名厓及置長官司始易人爲仁永樂十一年始置銅仁府隸貴州

銅仁縣 附郭

國初立府之時銅仁長官司如故嗣後長官李永虐用其民耆老僉言宜改縣設流官以出民于湯火萬曆乙未郡人喻政成進士越三年戊戌始改爲銅仁縣土舍李以謙爲主簿云○東山在府城東岌業岫拔爲郡巨鎮上有石窩高廣數十武吳國倫詩東山突兀雲爲巔百雉參差雙練懸入寺渾迷上下界倚樓欲盡西南天江光半浸九華王石甲紛披千葉蓮睥睨群山解飛動誰當坐嘯清蠻烟○又里許爲天乙峰石壁峻嶒每見赤色輒

貴州名勝志 卷之四  
有災太守魏君乃于山椒鑿池注水厭之其患遂  
息○城西十里諸葛山形勝突兀俯瞰諸垓上有  
武侯屯營故址○府大江左有廢萬安縣即唐垂  
拱二年立者宋時廢○小江上有衆思堂宋湖北  
常平使張惇建蕪子瞻記○府西北十里人同村  
有李留坡墓銅仁副長官李盤者本朝宣德間協  
征鎮寧苗被執賊問曰銅仁耶思南耶益賊德銅  
仁欲生之耳公竟不答遂遇害草殯于樹石之間  
久而樹長夾石夷人夜過樹下輒聞空中有甲兵  
聲以爲神而祀之于樹下名其地爲留石坡焉

省溪長官司在府西一百里元置省溪等處軍民  
長官司隸都雲定雲等處安撫也改省溪坝場蠻  
夷長官司隸田州本朝仍名省溪改今屬正長官  
楊姓其副戴姓○司北三里有洞洞口一石肖婦  
人名仙女洞○城西五里有山時五色雲吐遂名  
五雲山○城北七里有泉名雲舍泉歲旱雩禱即  
雨其泉注于宙羅江或曰卽省溪水產金

提溪長官司在府西二百四十里元置提溪等處  
軍民長官司洪武初改今司正長官楊秀纂原任  
石阡龍泉司正長官洪武十六年改今職副長官

張坤原任提溪司長官陣亡男應宣陞思南宣慰司同知四世孫秉仁授今職皆世襲○治東一里爲印江又二里爲磴山○治西五里爲提溪是產砂金

大萬山長官司在府南五十里元置大萬山蘓葛辦等處軍民長官司洪武初改今司正長官楊政華元舊任世襲○大萬山在治南三里司以此名新坑山在司北五里產硃砂水銀○司界有勤舍長官司故址 我朝正德末年洞中獲本司印一顆其文皆八畫不知何義

烏羅長官司在府西二百里元置烏羅龍于等處長官司正長官楊金萬曾孫世雄洪武初襲舊職副長官冉興祖永樂十一年授今職皆世襲○司治西南三里有觀音圍上有三井可容五百人又三十里爲萬勝磴上有水可容百人俱可以避兵○司境山曰迎紅曰雲朶以雲物名曰琴閣曰石梁以水石名曰九龍則以支脈名也志謂九龍俗名飯甌山高百餘丈下分九支銅仁大江之水出焉○司南有江名乜江上納烏羅溪羊溪二水下達楚之辰州可以舟筏又有溪名木耳其流曲折



東抵平南寨為九十九渡

平頭者可長官司在府北二百二十里元置平頭  
著可通達等處長官司隸思州宣撫本朝洪武初  
改今名永樂中改隸烏羅府尋改屬今府正長官  
楊姓其副田姓○司界有石榴坡羅斯詩云畏途  
盡說石榴坡毒霧衝人似網羅即此○有甘梗泉  
在司界石礮中一泉湧出清濁分流若涇渭相傳  
出萬山之底○司界有仙人題柱舊傳鬻蕪徒道者  
不知何許人宋開寶間郡之龔蓬寨人楊再從崇  
尚仙學一日有丐者携草蕪一雙詣再從索金五

兩鬻馬再從疑其妄不之信道人擲蕪于市化為  
雙鶴冲天而去但見門柱上有詩云新打芒鞋巧  
又牢五金還價未為高楊家不聽渾家語從我蓬  
萊走一遭水洗刀刮其字益顯柱至國初方地


貴州名勝志卷之四終



貴州通志

卷之四

古



鐘